

百尺梧桐閣遺稿

二

百尺梧桐閣遺稿

百尺梧桐閣遺稿 (清) 汪懋麟撰

上海古籍出版社出版

(上海瑞金二路二七二號)

上海市印刷七廠印刷

無著書店上海發行所發行

各地無著書店經售

一九八〇年六月第一版

一九八〇年六月第一次印刷

開本：六一〇乘一三七二毫米十二分之一

印張：二一又三分之二 印數：一一一〇〇〇部

統一書號：一〇一八六·二七二 全二冊 線裝本定價：七元二角

百尺梧桐閣遺藁卷四

江都

汪懋麟

蛟門

壬戌

送岷瞻學士扈從謁陵

輕風吹烟如亂絲
暖氣炙破桃花枝
沙平土潤方流漸
細草一碧光離離
八龍在廐驕欲馳
蹴蹄顧影不受羈
聖人宮中方嗟嘻
蜂蟻窟壘俱磨治
賊首在懸俘在纍
八載宵旰神靈司
眷念豐沛王所基
告成獻捷禮則宜
翠華出郊嚴六師
豹尾黃纛千熊羆
試問後車從者誰
起居學士簪筆隨學

士年少妙羽儀真如彩鳳翔天陸朱唇白面揚廣
睂顧盼雋偉天人姿當年扈從遇亦奇合圍特賜
飛龍騎奔輦一箭應手披一時驚倒黃鬚兒下馬
韜弓還賦詩此事中外無不知 至尊選才無阿
私陵園紀載須弘詞澗毛不足充釜錡特獵豬鹿
爲牲犧松花江水波琉璃邊風颯颯翻畫旗禮成
旋轡原有期歸時年麥青盈岐田間野雉飛雄雌
物情生意良在斯我知控弦不忍發推此盡荷
君王慈

送澹人侍講扈從謁陵

古之英主每巡狩八駿騰驤出天廐有時倉卒不
載書即以儒臣置左右東馬嚴徐何足論少室山
人有匡救宣公所遇非所期劄子連篇苦煩糅吾
愛侍講學問醇內殿深嚴達宵晝宮中草木且不
言何況籌邊與平寇以此敬慎 九重喜密勅飛
箋必親授詩書陳說當几筵筆扎淋漓上袍袖功
成治定告宗祖不爲蒐苗獵園囿 詔令待講參
龍駒曰維汝才足先後春雲如蓋長白高春水如
油鴨波皺外藩君長爭來迎海鳳天吳雜文繡歡
呼一日三列圍殪得黃羊與青獸特取上殺獻

陵廟較勝櫻桃供飮餽日斜鼓角還御營一騎
封章更宣奏古來勤政如此稀好向轅門待星宿

送林澹亭視學中州

五嶽作鎮誰最雄灋澗洛汭嵩當中四方聲音此
爲的譬彼詩騷稱正風山川蘊結得清淑經術義
禮無不工兔園賓客盛詞賦建安諸子諧商宮周
程尹邵闡至道皎皎杲日開鴻蒙後來風俗漸繁
侈園林草木爭鬱蔥士宦忘歸不肯去買田築室
箕穎東此間文物信可樂末刼乃爲羣盜攻名藩
既隳汴流決碧紗朱邸成蒿蓬燕歌趙舞一時盡

豈但網戶飛春蟲大河以南悉蹂躪千里罕見烟
火紅 聖朝沐浴四十載景光略與當年同士子
文筆亦稍振惜哉元氣猶未充莆田才子秉文柄
泥沙珠玉須磨礱魏晉以來釀奇氣一顧駿足凡
馬空信陽已往孰可繼勿令庸子欺愚聾三花二
室好遊眺自然物色非匆匆

送余中丞開府吳中和司農公韻二首

帝錫中丞禮數崇金盤玉勒出深宮 御牀密授

絲綸詔帷幄徐收節鉞功告廟封章追雅樂

公疏請更定樂

章

入吳詩句廣仁風

公昇平宴詩曰奉宣仁風之吳疆

江淮自此同磐

石滾滾狂瀾不復東

自媿侏儒共比肩何當青眼向人偏
未成狂客依劉志虛負明公說項年
十載望塵曾畫省八騶分道又春天
不才願向吳中老化雨晴郊耒耜懸

送夢敦學士假歸桐城八首

李泌休言跡太奇雲龍依傍復何疑
勲名有待成王佐啓沃無形實帝師
玉案是書皆共展鑿輿何地不相隨
豐貂美膳尋常賜特選拳毛內殿騎
幾年身在漏聲中庭院稀看日影東
寒盡未知隄草綠春歸畧覩禁花紅
時封密勅來三殿每和新

題播六宮不是趨承多敬慎誰能早晚近丹楓
緒語何時不憶歸故園門巷感伊蟻秋雲漠漠江
鴻度春雨綿綿社燕飛丙舍最憐松柏瘦丁徭敢
計稻苗肥陳情原遂躬耕志已辦山中薜荔衣

昇平纔宴即抽簪至孝原能格聖心手詔數行

憐懇切講幃片席費沉吟歸山無意披宮錦上塚
何期有賜金共道關西清白後自然大鳥集高林

樅陽名勝首龍眠說有先人數畝田築室更添三

兩架課農好趁夏秋天避喧儘可容疎放註易還

期假歲年

時著易經裏解

只願犁鋤手親把杏花菖葉滿

斜川

官河春暖一帆張驛柳搖青正作行細把賜書臨
水看淺斟法醇喚兒嘗郵簽報處休嫌遠宮燭燒
時特怪長回憶內朝趨走地一堆筆扎在南廂
舊宴慈恩百五人一時意氣總相親飛騰何限雲
中鶴寂莫空餘澗底鱗進退久知余計拙窮通逾
覺子情真繚垣燈火三年話不及離亭酒數巡
從來難受是人恩况復深知在九閤殿上選才除
令子宮中賜食及公孫莫因沉醉揮金碗遂爾狂
歌戀瓦盆料得故廬眠未穩驚聞黃紙到山邨

送蔣莘田大參之任粵東

蔣侯始通籍卽上所著書磊落千萬言氣矯筆力
殊規模似金鑑新語恐不如以此蒙主知遂令
叅石渠三年束館課辛苦如菑畬學成未及用夙
抱那得舒聖朝重言路稂莠須誅鋤冠以獬豸
冠立在白玉除觸奸並指佞有發無矢虛譬彼蟣
蝨叢一一皆爬梳未免涉忌諱誰爲分毀譽東粵
界嶺海羣盜多睢盱王師鏟壘穴遠服勞軍儲雖
然起瘡痍未復民田廬蔣侯領牧伯慷慨登檐車
陟彼五羊城安此百越區山川與風俗所過關趾

踏此鄉富寶玉君志甘布麤但飲珠江水不食鰐
湖魚政成即來還小別毋嗟噓

出阜城門看馮園海棠值風得湍字

春風動百樹振響如驚湍將身入林壑遂覺俯仰
寬所惜芳樹姿搖落非舊觀託根豈不固近物則
易殘不見空谷中寂寂多幽蘭

幼華給事招同諸公飲祝園亭子限山莊二
韻

三月已云暮一亭今始閒柳花何滾滾谿水自潺
潺只此便高枕未須思故山林鶯如愛客作意語

緡蠻

醉來呼給事曾否卜西莊種樹他年約看花且放
狂真宜臨曠野最好是斜陽獨媿何居士嘲余似

太常

余是日齋

三月晦前一日陪司農公再游祝園

溪邊花欲盡柳外絮還飛春色荒荒老風光緩緩
歸何期逢早夏乍可試單衣小逕經過熟先來款
竹扉

病足五首

策足輸才俊偷安趁此人嬖姍惟一室裸跣忽三

旬酒盞經時廢方書鎮日親災年敢尤怨天意老
閒身

隱几亦自適看雲空復情不成垂脚坐漫說繞牀
行獨鳥下階立幽花沿砌生忘機遂疎嬾伏櫪笑
長鳴

豈作低眉態聊爲抱膝吟向誰明痛癢只自悟升
沉蟲響依寒砌鐘聲出禁林一燈秋夕裏驗此百
年心

未衰先策杖徙倚望晴空樹接鄰家綠荷分別渚
紅疎簾鈎落日細竹響微風向晚饒清景如弦月

在東

酒伴邀余出神飛舊酒壚欲騎官馬去須借小童
扶池上紛葭莢林中叫鶉鴝那堪臨水照添白幾
莖鬚

題畫

青山當野近流水傍籬斜晴翠紛楊柳清霜著菊
花此真棲隱地誰似老夫家日夕閒攜杖柴門數
過鴉

送舟次二兄冊封琉球

細斑之布青黑絲黃帔勒巾巾服奇短軀廣袖細

馬騎天街街南曾見之海邦陪臣幾萬里天風一
夜能北吹元正百國列王會中山守禮來無遲稽
顙請封聖人喜虎節特令儒臣持賜以一品上公
服歸昌遊聖麟與麒閩海六月南汎至樓艣十丈
揚熊旗神魚潛蛟避命吏一一縮息如寒龜珠宮
貝闕自隱現羣仙出沒乘龍螭恍聞張樂洞庭野
碧海明鏡分毫釐平佳彭佳舵尾辨黃嶼赤嶼針
頭移忽聞泊船到那霸夷官導引紛旌麾歡會門
前世子出拜謁道左躬何卑夷山之顛殿宇正安
置誥令平不敬君臣妃妾拜受命王者被飾嫺威